

Ho Talima Batho ka Mahlo a Jesu



SABATHA THAPAMA

Bakeng sa Boithuto ba Beke Ena Bala:

Mareka 8:22–26; Johanne 4:3–34; Johanne 1:40, 41; Mareka 12:28–34; Luka 23:39–43; Liketso 8:26–38.

Teman'a Khopolo:

“A re ho bona: Ntateleng, ‘me ke tla le etsa batšoasi ba batho’” (Mattheu 4:19).

Jesu ke Eena morena oa khapo ea meea. Ka ho talima tsela eo Jesu a na sebetsa le batho, re tataisetsa ba bang tse bong ea pholoho ka Jesu Kreste. Ha re nka leeto le Eena ho pholletsa ka literata tsa Jerusalema, mapoqong a litsela tsa Judea, le majoanng a maralla a Galilea, re bona kamoo a sibollang metheo ea ‘muso ho meea e patlong.

Jesu o ne a bona banna le basali kaofela ha bona ba ka hapeloa ‘muso oa Hae. O ne a talima mong ka mong ka mahlo a lereko le halalelang. Ha a ka a bona Petrose e le motšoasi oa lihlapi ea likhoka hape ea buang haholo empa a ‘mona e le moruti ea matla oa evangeli. Ha a ka a bona Jakobo le Johanne e le litlokotsebe tse le pelo li khutšoanyane empa a ba bona e le baphatlalatsi ba sehlahlo ba mohau oa Hae. o ile a bona lenyora le tebileng bakeng sa lerato la ‘nete le ho amoheloa lipelong tsa Maria Magdalena le mosali oa Mosamaria, le mosali ea neng a na le phallo ea mali. Ha a ka a talima Thomase joalo ka ea qea-qeang empa a ‘mona e le ea nang le lipotso tsa ‘nete. E ka ba e ne le le ba-Juda kapa Balichaba, ba e motona kapa e motšehali, lesholu le sefapanong, molaoli oa lekhohlo, monna ea hlanyang ea kenoeng ke batemona, Jesu o ne a bona bokhoni ba bona boo ba bo neiloeng ke Molimo, ‘me a ba talima ka mahlo a pholoho.

**Ihute thuto ea beke ena ho lokisetsa Sabatha sa la 18 Phupu.*

Kamo ea Bobeli

Ke mohlolo o le mong feela hohle kahare ho Bibe le oo Jesu a o entseng ka mekhahlelo e ‘meli. Ke pholiso ea sefofu letšeng la Bethsaida. Pale ena e na le lithuto tse tsoellang bakeng sa kereke ea Krete kajeno. E bontša leano la Molimo la ho sebelisa molumeli e mong le e mong ho tlisa motho e mong ho Jesu. Lengolo le re, “Ba ntoo fihla Bethsaida. Joale, ba bang ba mo tlišetsa sefofu, ba mo rapela hore a se ame” (Mareka 8:22). Mantsoe a mabeli a mantlha mona ke “tlisa” le “rapela.” Sefofu ha sea ka sa itlisa. Metsoalle ea hae e ile ea bona bohloki ba hae ‘me ba mo tlisa. Mohlomong o ne a se na le tumelo e kaalo, empa ba etsa joalo. Ba ne ba lumela hore Jesu o tla folisa bofofu ba monna enoa.

Ho na le mehlolo e ka bang 25 e hlakileng eo Jesu a e entseng Testamenteng e Ncha. Ho e fetang halofo, seng kapa motsaalle o tlisa motho ho Jesu hore a mo folise. Ho na le batho ba ke keng ba tla ho Jesu ho hang ntle le hore motho e mong ea nang le tumelo a ba tlise. Boikarabelo ba rona e lokela ho ba ba “mohlahisi” me re tlise batho ho Jesu.

Lentsoe la bobeli le hlohang hore re le ele hloko ho Mareka 8:22 ke rapela. Le ka bolela, “kopa, qeka, khotlaetsa.” Le supa kopo e bonolo, e mosa e boikokobetso ho feta e lerata e tlerolang. Motsaalle oa monna enoa o ile a ipiletsa ho Jesu ka mosa, a lumela hore Jesu o na le eona takatso le matla a ho thusa monna enoa. E ka ‘na eaba monna enoa o ne a se na tumelo ea hore Jesu o tla mo folisa, empa metsoalle ea hae e ne e na le eona. Ka nako tse ling re lokela ho jara ba bang ho ba tlisa ho Jesu ka lipheo tsa tumelo ea rona.

Bala Mareka 8:22–26. U nahana ke hobaneng ha a folisitse monna eo oa sefofu ka mekhahlelo e ‘meli? Pale ee e na le lithuto li fe bakeng sa rona kajeno re le lipaki tsa Jesu?

Ho ka etsahala hore le rona ha re bone batho ka tsela e hlakileng? A na re na le mo ba bona ba le joalo ka “lifate tse tsamaeang” ka nako tse ling re ba bonela leroothong ho e-na le ho ba bona e le litho tsa ‘muso oa Molimo? U nahana ke eng e etsang hore re be le ho se bone batho ka tsela e hlakileng ka linako tse ling?

Kathoko ho thuto e hlakileng ea kamoo Molimo a re sebelisang ho fihlela batho, ke eng e ‘ngoe eo re ka ithutang eona paleng ee? Ke eng eo e ka re rutang eona, mohlala, ka tsela eo ka eona meriana le semoea li ka bang le karolo pholisong le bosebeletsing ba ba lahlehileng?

Thuto ka Kamohelo

Ka ho ba teela mohlala oa se boleloang ke ho bona motho ka mong ka leihlo le fapaneng, Jesu o ile a ruta barutuo ba Hae ho talima batho ka mahlo a leholimo. Chalimo ea Hae ea batho e ne e fapane hosele. O ne a sa ba shebe ka hore na ba joang, empa ka hore na ba ka ba joang. Kopanong tsohle tsa Hae le batho, o ne a ba atamela ka seriti le tlhomphe. O ne a atisa ho makatsa barutuo ba Hae ka tsela eo a neng a atamela batho ka eona. Taba ena e bonahala bonnete ba eona haholo ha a ne a teana le mosali oa Mosamaria.

The Archaeological Study Bible e hlalisa chalimo ena e thahasellisang ka kamano ea ba-Juda le Basamaria: “Khaohano e pakeng tsa ba-Juda le ba-Samaria e qalile khale nakong tsa pele. Ho latela 2 Marena 17, ba-Samaria e ne e le litloholo tsa batho ba Mesopotamiaba neng ba lulisitsoe ka khang karolong ea leboea ea naha ea Israele ke morena oa Siria qalehong ea kholeho ea 722B.C. ba ne ba kopanya borapeli ba Jehovah le borapeli ba melingoana.”—*The Archaeological Study Bible* (Zondervan Publishing, 2005), leq. 1727. Kaholim’a liketso tseo tsa borapeli ba melingoana, ba ile ba etsa boprista le tempele tsa bokhelohi holim’a thaba ea Gerezim. Ha ba talima phapano tse joalo tsa borapeli le ba-Samaria, barutuo ba lokele e be ba ne ba tsielehile ha Jesu a khetha ho ea Galilea ka tsela e fetang le Samaria. Ba ne ba makalletse hore Jesu ha a ikenye linganyisanong tsa borapeli. O ile a ipiletsa ka kotloloho ngongorehong ea ho amoheloa, ho ratoa, le tsoarelo ea mosali oa mo-Samaria.

Bala Johanne 4:3–34. Jesu o ile a atamela mosali oa Samaria? Mosali o ile a arabela joang puisanong ea hae le Jesu? Barutuo ba ile ba etsa joang ha ba bona taba ee, ‘me Jesu o ile a pharalatsa chalimo ea bona joang?

Thuto ea bosafeleng eo Jesu a neng a laba-labela ho e ruta barutuo ba Hae le e mong le e mong oa rona bonolo ba eona ke hore: “Bao ba nang le moea oa Krete ba tla bona batho bohle ka mahlo a lereko le khalalelo.”—Ellen G. White, *The Signs of the Times*, Phuptjane 20, 1892.

Ke batho ba fe bao ka lebaka la tšusumetso ea moetlo le bochaba ba heno u ka ba shebang ka leihlo le moleka kapa ka ho tella? Ke hobaneng ha u lokela ho fetola katamelo ea hau, ‘me phetoho eo e ka tla joang?

Qala Moo u Leng Teng

Motho e mong ka nepo o itse, “Bophelong sebaka se le seng feela seo u lokelang ho qala ho sona ke moo u leng teng, hobane ha ho sebaka se seng seo u ka qalang ho sona.” Jesu o tiisa taba ena ho Liketso 1:8, moo a reng, “ ‘Empa le tla fuoa matla mohla Moea o Halalelang o tlang ho lona, ‘me le tla ba lipaki tsa ka Jerusalema, le naheng eohle ea Judea, le ea Samaria, le ho isa pheletsong ea lefatše.’ ”

Molaetsa oa Jesu ho barutuoa ba Hae o ne o hlakile haholo hore o ka utloelloa: qala moo u leng teng. Paka moo Molimo a u behileng teng. Ho na le ho lora ka menyetla e fetisang ka molemo, qala ka se u pota-potileng. Bona ka leihlo la leholimo menyetla e haufi-ufi le uena! Ha u hloke ho ba motho ea rutehileng ka ho fetisisa lefatšeng, kheleke e fetang tsohle, ea fuoeng ka ho fetisisa. Ho sa natse hore na lineo tseo tsohle li ka thusa ha kae ha li sebelisoa ka nepo, qetellong sohle seo u se hlokang ke lerato la hau ho Molimo le ho meea. Haeba u ikemiselitse ho paka, Molimo o tla u bulela tsela ea ho etsa joalo.

Bala Johanne 1:40, 41, Johanne 6:5–11, le Johanne 12:20–26. Litemana tsee li u bolella eng ka chalimo ea Andrease ea semoea le katamelo ea hae ea ho paka?

Boiphihlelo ba Andreas bo bua le rona ka ho hlaka. O ile a qala ka lapeng labo. O qalile ho arolelana Krete le moena oa hae Petrose. O ile a etsa setsoalle se mofuthu le moshanyana ea monyane ea ileng a fa Jesu lisebelisoa tsa ho etsa mohlolo, ‘me Andreas o ne a tseba na o etsa joang ka ba-Gerike. Ho e-na le ho pheha khang ka litaba tsa Molimo, o ne a ela hloko bohloki ba bona e be o ba tsebisa Jesu.

Bonono ba khapo ea meea e atlehileng ke bonono ba ho bopa likamano tse nang le tsotellano. Nahana ka batho ba haufi-ufi le uena bao e ka bang ha ba tsebe Jesu. Na ba bona bophelong ba hau motho ea lereko ea tsotellang? Na ba bona ho uena khotso le sepheo tseo ba li lapetseng? Na bophelo ba hau ke papatso ea evangeli? Re etsetsa Molimo metsoalle ka ho arolelana Jesu. Ba fetoha metsoalle ea Bakreste, ‘me khabareng, ha re ntse re arolelana molaetsa oa Molimo oa mehla ea bofelo oa ‘nete ea Bibe. Ho ka etsahala le ho Bakreste ba Masala, le bona.

Hobaneng ka nako tse ling ho ka ba thata ho tataisetsa litho tsa malapa a bo rona le baamani ho Krete? Na u kile oa atleha ho arolelaneng Jesu le litho tsa lelapa leno kapa metsoalle e haufi? A ko fe sehlopha malepa a ka ba thusang.

Ho Sebetsana le Batho ba Sokolisang

Jesu o na ithomme pele ka ho sebetsana le batho ba sokolisang. Bobeli ka mantsoe le liketso tsa Hae, o na bontšahatsa kamohelo. One a mamela khathatseho tsa bona ka cheseho, a botse lipotso, e be butle-butle o sibolla linnete tsa leholimo. O ne a hlokomela ngongoreho e kahare le pelong tse thatafetseng ka ho fetisisa hape a bona bokhoni ho baetsalibe ba babebe. Ho Jesu, ho ne ho se motho ea ke keng a fihleloa ke evangeli. Kannete Jesu o ne a lumela hore, “Ha ho le ea mong ea oetseng tlase hoo, ha ho le ea mong ea silafetseng hoo, ba ke keng ba fumana topollo ho Krete.”—Ellen G. White, *The Desire of Ages*, Leq. 258. Jesu o ne a talima batho ka chalimo e fapaneng hole le ea rona bohle. Ho motho e mong le e mong o ne a bona khanya ea pele ea Tlholeho. O ne a phahamisetsa mehopolo ea bona moo e ka tšoarelletsang ka khonahalo ea seo ba ka bang sona, ‘me ba bangata ba ne ba phahama e be ba fihlela tebello eo ea hae ka maphelo a bona.

Bala Mattheu 4:18, 19; Mareka 12:28–34; le Luka 23:39–43. Ke eng eo u e fumanang e tšoana boipiletsong ba Krete ho Petrose le Johanne, mongoli ea sa boleloang lebitso, le lesholu sefapanong? Ithute katamelo ea Krete ho e mong le e mong oa bona ka hloko. Ke eng se hlahellang ka ho fetisisa ho uena?

Hohle moo Jesu a eang o ne a bona menyetla ea semoea; o ne a bona bao e ka bang litho tsa ‘muso oa Molimo maemong a sa lebellhang. Bokhoni bona re bo bitsa “mahlo a kholo ea kereke.” Mahlo a kholo ea kereke ke bohlokolosi bo ötliloeng ba ho bona batho kamoo Jesu a na ba bona kateng, e le ba ka hapeloang ‘muso oa Molimo. Sena hape se kenyelletsa “litsebe tsa kholo ea kereke,” tse amanang le ho utloa lithoko tse sa buuoang tsa ba re potileng. Hape e ipapisa le ho utloa ngongoreho ea lipelo tsa bona ka se seng seo ba se nang sona, leha ba se se bolela ka molomo oa bona.

Kopa Morena ho u etsa hore u be hlokolosi bosebeletsing ba Moea o Halalelang maphelong a ba bang. Rapela hore Molimo a u fe kamo ea bobeli hape a bule mahlo a hau ho bona menyetla ea moea eo a e tlisang kapele ho uena letsatsi le letsatsi hore u tle u arolelane tumelo ea hau le ba bang. Batla Molimo ho u fa leihlo le bonang, pelo e hlokolosi e mamelang, cheseho ea ho arolelana Krete eo u mo tsebang, eo u mo ratang le ba bang, ‘me joale hee u tla be u le leetong le monate la bophelo bohle. Bophelo bo tla nka moelelo o mocha ka botlalo. U tla ba le boikutlo ba khotsofalo le thabo eo u e-so e fihlele le ka mohla. Ke feela ba sebeletsang meea ba tsebang khotsofalo e tlišoang ke hona.

Ho Elelloa Menyetla ea Leholimo

Buka ea liketso e tletse lipale tsa kamoo barutuoa ba ileng ba nka monyetla ka menyetla ea leholimo bakeng sa ntšetsopele ea ‘muso oa Molimo. Ho tloha qalong ho isa qetellong ea buka eo, re bala litlaleho tse monate tsa kereke ea pele le kamoo e ileng ea hola kateng, le hara liqholotso tseo e neng e tobane le tsona kahare le kantle.

Ho 2 Bakorinthe 2:12, 13, mohlala, moapostola Pauluse o pheta boiphihlelo ba hae Trooase: “‘Me mohlala ke tlileng Trooase ho bolela Evangeli ea Krete, leha nkile ka buleloa monyako teng ke Morena, ha kea ka ka iketla moeeng oa ka, kahobane ha kea ka ka fumana Tite, ngoan’eso; ka mpa ka ba lumelisa, ka ntoo ikela Masedonia.” Molimo o ile a bulela Pauluse monyako ka mohlolo hore a tle a rute evangeli kontinenteng ea Europe, ‘me o ile a tseba hore menyako eo Molimo a e bulang kajeno e ka koaleha kamoso. A kakatlela monyetla oo ‘me a bona bokhoni bo teng, hang a sesisa sekepe ho ea Masedonia. Molimo oa Testamente e Ncha ke Molimo oa monyako o butsoeng—Molimo o fanang ka menyetla ea leholimo ho rona hore re arolelane tumelo ea rona. Molimo o tšebetsong, hohle kahare ho buka ea Liketso. Ho na le menyako e butsoeng kahare ho litoropo, literekeng, linaheng, kaholimo ho tsohle, lipelong tsa batho ka bomong.

Bala Liketso 8:26–38. Litemana tsee li re ruta eng ka ho buleha ha Filipi tataisong ea Molimo le kamoo a arabelang menyetla ea leholimo?

“Lenyeloi le ile la tataisa Filipi ho ea ho ea neng a ntse a batla leseli hape a ikemiselitse ho amohela evangeli, ‘me kajeno manyeloi a tla tataisa mehato ea basebetsi ba tla lumella Moea o Halalelang ho halaletsa maleme a bona le ho hloekisa le ho lokisa lipelo tsa bona. Lenyeloi le neng le rometsoe ho Filipi le ka be le iketselitse mosebetsi oo ka bo lona ho mo-Ethopia eo, empa eo ha se eona tsela ea Molimo ea tšebetso. Ke leano la Hae hore batho ba sebeletse batho ba bang.”—Ellen G. White, *The Acts of the Apostles*, leq. 109.

Haeba re na le litsebe ho utloa le mahlo ho bona, le rona, re tla tataisoa ke manyeloi a sa bonoeng ho fihlela ba batlang ‘nete ka linnete tsa ‘muso.

Bona kamoo Mangolo a neng a le khubung ea pale ena. Hape, bona kamoo mothating ona ho neng ho le bohlokoa hore ea tsebang Mangolo a a manolle. Ke lithuto li fe tse teng bakeng sa rona moo?

Ho Ithuta Haholoanyane:

Bala Ellen G. White, “The Gospel in Samaria,” maq. 103–111, ho *The Acts of the Apostles*. Ka mahlakore ohle re potiloe ke batho ba batlang lintho tsa bosafeleng. Joalo ka ha Jesu a e behile ka bokheleke, “ ‘Kotulo e kholo ruri, empa basebetsi ha ba bakae’ ”(Matt. 9:37). Bothata bo ne bo se ho kotulo. Ka mahlo a tlotsitsoeng ka khalalelo, Jesu o ile a bona kotulo e ngata moo barutuo a ba neng ba bona khanyetso feela. Tharollo ea Jesu bothateng boo e bile e fe? “ ‘Rapelang ke hona Morena oa kotulo, hore a romele basebetsi kotulong ea hae’ ”(Matt. 9:38). Tharollo ke ho rapela hore Molimo a u romele kotulong ea Hae. Hobaneng u ke ke oa rapela thapelo ee? “Morena, ke ikemiselitse ho sebelisoa bakeng sa ntšetsopele ea ‘muso oa hau. Bula mahlo a ka ke tle ke bone menyetla ea leholimo eo u mpulelang eona letsatsi ka leng. Nthute ho ba hlokolosi ho batho ba mpotileng. Nthuse ho bua mantsoe a tšepo le khothatso le ho arolelana lerato la Hau le ‘nete le bao ke kopanang le bona letsatsi ka leng.’” Haeba u ka rapela thapelo ena, Molimo o tla etsa lintho tse sa tloaelehang bophelong ba hau.

Lipotso tsa Puisano:

1. Haeba u sebelitse ho tlisa meea ho Jesu, ho na le ntho e le ‘ngoe eo u e tsebang: ha ho bobebe kamehla, ha ho joalo? E, ehlile, ke Molimo feela ea ka sokollang lipelo, empa bohlaeng ba Hae o khethile ho re sebelisa ho ba karolo ea mosebetsi ona. Ho sebeletsa le moea o le mong feela ho nka nako, boikitlaetso, mamello, le lerato le tsoang holimo. Ke khetho li fe tse ka u thusang hore u shoe ka ‘ngeng ea bo-uenana hoo o ho hloakang hore u tle u be paki e atlehileng ea Krete?
2. Ke bo mang batho ba bang bao u kopanang le bona ba sa tsebang Morena? U entse’ng, kapa u etsa’ng, kapa u lokela ho etsa’ng, hore u ba pakele?
3. Nahana ka Pauluse Tarese. Motho ke enoa ea bonahalang e se motho ea ka sokolohang ka tsela e fe kapa e fe! Feela, re tseba se ileng sa mo etsahalla. See se lokela ho re bolella eng ka ho potlakela ho ahlola ba bang ka chebahalo ea bona?
4. Re ntse re nahanne ka pale ea Saule, re etsa joang ka temana e kang Mattheu 7:6: “‘Se neeng lintja lintho tse halalelang, le se ke la lahlela liperela tsa lona pel’a likolobe, e se re mohlomong tsa li hatakela ka maoto, tsa ntsoo sokolohela ho lona, tsa le harola’”?